



Doctissimo Et Consultissimo Viro, Dn. Cunrado Rittershusio. I C.

Antecessori Altorfiano Celeberrimo, Boni Omnis Causa : Ergo maritalis
cingeris, amice, coronâ, Chare Rittershusi? ...

Altorf


Menzel, Philipp

P 2° 00143 (01,180)

https://dhb.thulb.uni-jena.de/receive/ufb_cbu_00007957

urn:nbn:de:urmel-6f4d8b54-aa4b-4222-9d8f-a33800bde8774-000073286

Lizenz: <https://creativecommons.org/licenses/by-sa/4.0/>



DOCTISSIMO ET CONSVLTIS.

SIMO VIRO, DN. CVNRADO RITTERSHV-
SIO. J C. ANTECESSORI ALTORFIANO CELE-
BERRIMO, BONI OMINIS CAUSA.

Ergo maritali cingeris, amice, coronâ,
Chare RITTERSHVSI? votisque novata secundis
Fœdœra legitimi panges genialia lecti?
Has subeunt humana vices, ut gaudia luctus
Terminet; ac contrâ mutantur tristia letis.
Antè quidem dulci viduatus conjuge (quæ me
Sors eadem versat, transque altum pectus adegit
Tabificum, nullo medicabile Pæone, vulnus)
Ingratam tetrico vitam in squalore trahebas,
Cum gemitu, curisq; animum mordacibus eger.
Atq; ego tum miserans funesta incommoda cladis,
Testor, amice, tuis (ita sit mihi dexter Apollo)
Indoluisse malis. Quòd si fortuna revisens
Te post atratum jam mitior aspicit annum:
Insinuatque tuis nova se complexibus vxor,
Clara genus, formosa, pudens, non indiga dotis,
Idne feram tacitus? neq; ovans gratabor amico?
Crede mihi, sincerent vires, annisq; sitisq;
Arida vena, & mens, heu, tristi nubila luctu;
Non paterer nostra tibi carmina deesse Camana,
Qualiacunq; forent: Quem nunc transcribo laborem
(Pace tua, veniaq;, precor) poteribus undæ
Pegaseæ reliquis: primum, quibus inclyta semper
Norica non paucis vestra illa Acadamia claret.
Hos penes esto, tuas numeris comprehendere laudes
Ad plenum; & cantu tadas decorare jugales,
Attica Romano cumulant mella lepore.
Me tantum ROMA VERBA juvet, CVNRADÈ, precari,
Optantem, felix ineas & nectare plenum
Connubium: viuas, valeas, ac rebus opimis
Florescas, titulis ingens, & honoribus auctus:
In primisq; nouam (quæ rara est gratia) nuptam
Privignis habeas facilem, minimeq; nouercam.
Tum si praterea vitæ quid postulat usus,
Desuper id largus dator annuat ille bonorum,
Omnipotens genitor, sine fine immensus & ortu.

Philippus Menzelius D. Medic, Professor primarius
& emeritus in Acad. Ingolstadt. amoris ergo.